



**Clypeus Theologiæ Thomisticæ**

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de  
Virtutibus ac Donis, de Vitiis ac Peccatis, & de Legibus, nec-non  
Dissertationem Theologicam de Probabilitate

**Gonet, Jean-Baptiste**

**Coloniæ Agrippinæ, 1671**

§. II. Corollaria præcedentis doctrinæ

---

[urn:nbn:de:hbz:466:1-78232](#)

cum sententia sit applicatio illius legis, quam benigne esse interpretandam est communis animi conceptio & dispositio juris: Ergo non teneatur reus ad exequendam illam penam in seipso, cuius executio commodius sit a judice, vel ministris, sed sufficit esse paratum ad illam sustinendam, quando infligeretur ab illis. Pater Consequentia, nam alia non benigne, sed durissime interpretare rem sententiam illam.

Dico secundo, non potest obligari reus a judice per suam sententiam, ut sibi inferat penam, ad cuius executionem requiritur actio violenta: v.g. non potest obligari ut seipsum occidat, vel mutilet, aut suis manibus sumat venenum, vel pereat inedia, tametsi cibi illi offerantur.

**38.** Probatur: Nam et si pena mortis, vel media, vel alia similis secundum se non sit inhumana, sed multoties justissima & mitis, attraent criminum gravitatem; iste tamen modus executionis, scilicet quod propriis manibus reus sibi inferat mortem, inhumanius est & crudelitatem plenus; nihil enim magis abhorret natura, cui naturalis est vita conservatio, quam manus violentas sibi inferre usque ad interencionem: Ergo judex sua sententia non potest ad id obligare. Nec est par ratio de quibusdam actionibus, quae remota tantum ad ipsius rei mortem cooperantur, ut patibulum ascendere, extendere linguam amputandam, collum denudare, illudve carnicifici truncandum offerre; nam tales actiones ex se & ex natura sua indiferentes sunt, neque inhumanæ & crudeles redduntur, quin potius commendiores & laudabiliores, si ab ipso reo executioni mandentur.

**39.** Ex his intelliges, quod sicut ex amore naturali erga parentes tenemur non inferre illis mortem, quamvis ad eam justè damnati essent, & executio sententiae nobis committetur, ac praeципeretur a judice; ita neque erga nos ipsos possumus licite illam exequi. Ac ne quidem ad vitandam mortem acerbiorum, licitum est libi, vel illis mortem mitiorem consciscere abscissione venæ, quamvis a judice oblata, vel alio quopiam modo, quia jure & pracepto naturali prohibitor est propriae occisioni positive cooperari.

**40.** Intelliges etiam, falsam esse ac erroneam Tamburini, & aliorum recentiorum Casuistarum sententiam, quæ assertit, iustè damnatum ut fame pereat, posse oblatum panem respire. Nam ut rectè discurrit S. Thomas 2.2. qu. 69. ar. 4. ad 2. Nullus ita condemnatur, quod ipse sibi inferat mortem, sed quod ipse mortem patiatur; & ideo non tenetur facere id, unde mors sequitur, tenetur tamen non resistere agniti quin patiatur quod iustum est eum pati. Sicut etiam si aliquis sit condemnatus ut fame moriatur, non peccat, si cibum sibi occultè ministratum sumat, quia non sumere, effet seipsum occidere. Quæ ultima verba probant taliter condamnum non modò posse, sed & teneri cibum nisi oblatum sumere, quia nulli fas est seipsum occidere. De quo fuisse in dissertatione de probabilitate art. 3. §. 2. num. 105.

**41.** Dico tertio, potest judex sua sententia obligare reum, ut sibi inferat penam, ad cuius executionem requiritur actio, quæ commodiùs exercetur a judice, vel ejus ministris, dummodo talis actio violenta non sit.

Probatur, quia hoc nihil continet crudelitatis, & sit in dominibus religiosis, & in officijs sanctæ inquisitionis, in quo interdum reis præcipitur,

A ut suis manibus sumant disciplinam, seu levem aliquam & non ignominiosam flagellationem, quam solent multi sponte suscipere ad carnis macerationem.

### §. II.

#### Corollaria precedentiis doctrine

**E**X dictis colligitur, judices inferiores teneri in conscientia ijs, qui legem transgreduntur, penam lege taxatam imponere. Judex enim ad hoc positus est a republica, ut per legum observantiam & custodiam, illam in pace & concordia conservet. Ergo contra suum officium ageret, si legum transgressores debitâ penâ non puniret; sicut enim reipublice infidelis, ansam que daret ut passim virtus & delicta cum publico detrimento communis graftarentur.

Confirmatur, quia alioqui leges nullam vim habent, nisi teneretur judex penam imponere, saltem quando non teneretur reus ante sententiam judicis eam subire, quod ut plurimum contingere, ex ante dictis perspicuum relinquitur.

Dixi, *judices inferiores*, quia legislator ex communis sententia potest penam remittere transgressori; cum obligatio, si quam habet ad penam imponendam, oriatur ex sa: lege, quia tamen non teneretur. Verum cum ille potestate, quam habet condendi leges, & puniendo transgressores eorum uti debet in botum reipublicæ, non erit liber a culpa, si eo sine causa rationabiliter penam lege statutam condonet, cum talis impunitas in perniciem reipublicæ vergere soleat.

Dixi etiam, *judices inferiores teneri penam* lege taxatam imponere, quia non potest judex inferior pro suo arbitratu penam lege taxatam moderari, sed eam juxta legem tenetur imponere, ut patet ex cap. In istis, dist. 4. ubi Pontifex sic loquitur: *In ista temporali tribus legibus, quantum de his homines iudicent, cum eas iusticaverint; tamen cum fuerint instituti & firmatae, non licebit iudici de ipsis iudicare, sed secundum ipsas.*

Ratio etiam suffragatur: Judex enim non habet potestatem in lege dispensandi, nisi sit superius: Sed moderari penam in lege positam, est aliquo modo in lege dispensare, si non in toto, saltem in parte: Ergo non potest judex inferior penam lege taxatam minuere, vel moderari, sed debet penam lege statutam imponere; præsertim si penam sit pecuniaria, quæ interdum applicatur parti læsi, vel filio, vel alijs, quibus jus aliquod per legem acquiritur; tunc enim penæ diminutio in prejudicium tertij vergeret.

Quæres, an leges, quibus tributa imponuntur, sunt pure penales?

Respondeo negativè, quia tributa non sunt penæ communiter, neque supponunt culpam quæ illis vindicetur, sed sunt sublida quædam à populo debita Regibus ad onera muneri sui sustinenda. Nec obstat quod illa onerent subditos, cum discrimen sit inter id, quod est onerium, & quod est penale. Dixi, *communiter*, quia interdum tributum potest in penam statui, potest enim Rex penare civitatem vel regnum, à quo injuriam accepit, impositione aliquius tributus. Unde Deuteronomio 20. dicitur: *Si quando acciseris ad expugnandum civitatem, offeres ei primum pacem. Si receperit, & aperuerit tibi portas, cunctus populus, qui in ea est, salvabitur, & serviet tibi sub tributo.*

Dividitur autem tributum in tres species, nem. 48. pe in reale, personale & mixtum. Reale est illud

Aaaa 3      quod

quod pro rebus immobiliis & fructibus earum. A. quod annis per solvit, à quo tributo agri dicuntur vectigales 1. i. & 2. f. si ager. Personale vero illud est, quod tribuitur ratione personae, vocaturque census, iuxta illud Mathe. 22. Ecce census dare cesari, et non? & dicitur à Juristis capitatio, L. Sacrosancta ff. de sacro sanctis Ecclesijs, ex eo quod solvit per capita. Mixtum denique il- B. lud est, quod tam pro rebus, praesertim mobiliis, quam pro personis imponitur.

49. Quare etiam hic aliqui, an lex irritans, qua nimur statutis aliquid esse irritum, sive in aliud, sit penalum?

Respondeo talem legem aliquando esse penalem, & inducere propter culpam, aut dolum, sive in odium alicujus transgressionis, aut culpæ, cuiusmodi est irritatio matrimonij propter uxoricidium, aut propter adulterium vivente coniuge corniculum cum promissione futuri matrimonij; interdum vero non esse penalem, & fieri in bonum privatæ persona, vel reipublicæ, non autem in penam alicujus peccati; cuiusmodi est irritatio professionis ante annum decimum sextum expletum, statuta in bonum præstentium & Religionis; vel irritatio matrimonij inter consanguineos, vel affines in certis gradibus, ob decentiam & honestatem. Unde lex irritans in penalem & non penalem, seu legem dividitur, ut notat Rebus in Concordata, titulo de Collationibus, §. penultimo.

## DISPUTATIO VII.

*De consuetudine.*

H. Actenus de lege scripta, quæ fertur à superiore, dictum est, nunc agendum de lege non scripta, quæ consuetudo appellatur, & quid illa sit, & quam vim habeat, breviter declarandum. Unde sit

### ARTICULUS UNICUS.

*Quid sit consuetudo, & quam vim habeat?*

I. Dico primò: Consuetudo est ius quoddam moribus institutum, quod pro lege suscipitur, cùm deficit lex. Ita Isidorus apud Gratianum dist. i. cap. consuetudo.

Explicatur breviter hæc definitio. Consuetudo dicitur primò ius, tunc ad exprimentum genus ipsi cum lege scripta communis, tunc quia debet esse justa, sicut ratione objecti, seu materia, circa quam versatur, ut infra dicemus; & per hoc à corpore, seu abusu distinguitur. Igitur consuetudo non sumitur hic pro usu frequenti, sed pro iure, quod ex tali usu ortum habet. Dicitur secundò, bonum, moribus institutum, ut jam incipiat à lege distinguiri; fertur enim lex à superiori, consuetudo vero à subditis cum solo Principe consensu tacere introduci potest. Dicitur tertio, quod pro lege suscipitur, &c. quia consuetudo, ut infra dicemus, habet vim legis, & loco eius suscipitur, ubi deficit lex. Cum autem lex tripliceiter possit deficere; primò cùm non est, secundo, cùm est inutilis; tertio, cùm dubia, vel obscura est, pro illo triplice legis defectu consuetudo suscipitur. Nam primo ubi non est lex, suscipitur consuetudo legis introductiva, seu vma

legis habens. Secundò venit in defectum legis inutilis consuetudo abrogativa illius. Tertiò cùm lex obscura, vel dubia est, venit in ejus defectum consuetudo, quæ ut infra dicemus, vim habet legem dubiam & obscuram interpretandi.

Ex his intelliges primò, consuetudinem & præscriptionem in aliquibus convenire, & in multis differe. In duobus enim convenienti; primò, quia in utraque intervenit aliquid facti, & similiter aliquid juris, quod per factum introducitur; secundò, quia & præscriptio requirit aliquid consuetudinem facti, & vicissim consuetudo requirit aliquid præscriptionem temporis. Differunt autem primò in ipso iure, nam consuetudo introducit jus legale, seu ius legis, quo omnes obligantur; præscriptio vero solum consertit jus dominij, aut jus utendi, vel fruendi. Secundò differunt, quod consuetudo introducatur per praxin & usum populi; cùm enim vim legis habeat, & lex ad commune bonum referatur, debet introduci pèr motum & observacionem communicatis, nempe populi; at vero præscriptio, cùm ad privatam utilitatem referatur, introducitur tantum per usum, & factum alicuius privatæ persona, ut cùm quis hereditate aliquâ longo tempore pacifice fruitur, tunc enim vigeret præscriptio illius hereditatis in hoc privato homine. Tertiò differunt, quod consuetudo ad suæ introductionis validitatem requirat tacitum, vel exp̄ssum consensum Principis, contra quem, vel contra cuius legem consuetudo introducitur, ut infra dicemus; at vero præscriptio non requirit consensum ipsis, contra quem, vel contra cuius utilitatem præscribitur, ut enim Titius contra Caium prædio aliquo præscribit, non est opus Caium ipsum tacere, aut exp̄sse, hanc præscriptionem consentire, sed factum est, ut eo ignorante posse curat, & continetur. Demum consuetudo & præscriptio differunt ex parte temporis, quod lege determinatum est in omni præscriptione, non autem in omni consuetudine, ut infra patet.

D. Intelliges secundò, quomodo consuetudo differat ab usu & more, sì enim consuetudo spectetur ut est quid facti, idem ferè est quid usus, & mos, nempe uniformis frequentatio actuum liberorum; si vero spectetur ut est quid juris, moraliter relictum ab ipsa uniformi frequentatione humanorum actuum, vim habens obligandis ad sic operandum, differt consuetudo ab ipso usu & more, qui solum importat ipsam materiam uniformem frequentationem actuum liberorum.

E. Intelliges tertio, quomodo consuetudo dif- ferat à foro & stylo; forus enim non est quodcumque ius usu & consuetudine firmatum, sed de iis duntaxat rebus, de quibus judicandum est in tribunal. Stylus vero propriè est modus, qui in scribendo, vel loquendo servatur, qui à Jurisperitis transferri solet ad significandum modum, quo proceditur in causis, & negotiis tractandis.

F. Intelliges quartò, bonam esse divisionem consuetudinis in consuetudinem contra legem, & secundum in legem. Nam vel consuetudo supponit aliquam legem humanam sibi contrariam, & sic est consuetudo contra legem. Aut nullam supponit legem humanam sibi contrariam, & sic est præter legem. Aut demum supponit legem humanam constitutam sibi conformem, & sice- rit